

## **Palumma bianca**

Cu lu cori a pezzi  
'n'omu tristi e sulu  
pensa a 'n' amuri  
ca nun po aviri ma.

Lu scrusciu di ali 'nvolu  
di 'na palumma bianca  
lu leva di 'stu pinseru  
ca sempri lu turmenta.

S'avvicina, lu talia comu  
si ci vulissi diri quarchi cosa,  
la piglia nni li mani e la jetta  
'nall'aria pi falla vulari.

Mentri vola  
girannucci 'ntunnu,  
lu vesti di fili  
d'oru e d'argentu.

Po, vola cu idda,  
stritti, abbrazzati, filici,  
si pòsanu 'nta na stidda,  
e tra vasati e carizzi ci dici:

“Ora ca si cu mia  
nun ti lassu cchiù”.

2009 Giuseppe Cardella